

დადგენილება #ე.პ. 0584-24
გაფრთხილების სახით ადმინისტრაციული სახდელის
დადების შესახებ

თბილისი

07 მარტი 2024

1. დადგენილების გამომტანი ორგანო (თანამდებობის პირი):

ს/ს „ენერგო-პრო ჯორჯია“ სათაო ოფისის ადმინისტრაციული სამართალდარღვევის საქმის განმხილველი კომისია, კომისიის თავმჯდომარე ნინელი ბოჭორიშვილი

2. საქმის განხილვის თარიღი: 2024 წლის 07 მარტი

3. ცნობები პირის შესახებ, რომლის მიმართ განიხილება საქმე:

შპს „მაკრო-პრიმი“

მდებარე, იურიდიული მისამართი: ქ.თბილისი, ნაძალადევის რაიონი, ზესტაფონის ქუჩა 4/14, კორპ #1, ბინა #7

საიდენტიფიკაციო კოდი #200223953

ფაქტობრივი ადგილსამყოფელი: გარდაბანი, სოფელი კრწანისი

4. საქმის განხილვისას დადგინდა შემდეგი გარემოებები:

2024 წლის 26 იანვარს, გარდაბნის რაიონის, სოფელ კრწანისში, დაფიქსირდა ელ.ენერჯის უკანონოდ მოხმარების ფაქტი, კერძოდ, აბონენტ #5710217171-ის (მომხმარებელი გიგანტი-ტ), აღრიცხვის კვანძის შემოწმებისას აღმოჩნდა, რომ მომხმარებელს მრიცხველზე დამონტაჟებული ჰქონდა მაგნიტი, რომელიც აჩერებდა მრიცხველის მთვლელ მექანიზმს, შესაბამისად არ ხორციელდებოდა მოხმარებული ელ.ენერჯის აღრიცხვა. შემოწმებისას ერთ ფაზაში გადიოდა 4.2 ამპერი დენი, ხოლო დანარჩენ ფაზებში ტვირთი არ იყო. კომპანიის ბაზაში მომხმარებლად რეგისტრირებულია გიგანტი-ტ, თუმცა აღმოჩნდა, რომ ტერიტორიაზე საქმიანობას ეწევა შპს „მაკრო-“

სს „ენერგო-პრო ჯორჯია“

პრიმი“, ამიტომ აღნიშნულ ფაქტთან დაკავშირებით შპს „მაკრო-პრიმი“-ს მიმართ 26.01.2024წ შედგა ადმინისტრაციული სამართალდარღვევის ოქმი #011307, რომელსაც ხელი მოაწერა ობიექტის წარმომადგენელმა-გიორგი რეხვიაშვილმა, მან აღიარა სამართალდარღვევის ჩადენის ფაქტი და განმარტა, რომ ობიექტი არ ფუნქციონირებს, თუმცა ტერიტორიაზე ყავთ ძაღლები, რომელთათვის ღამის საათებში დატოვებული იყო მცირე ზომის გამათბობელი, ხოლო მრიცხველი ხელოვნურად მაგნიტით ჰქონდათ გაჩერებული, ვინაიდან პირველი შემთხვევაა, ითხოვს კომისია შემოიფარგლოს გაფრთხილებით.

შპს „მაკრო-პრიმი“-ს მიერ ელ.ენერგიის დატაცება (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2024 წლის 06 მარტს ელექტრონულად გამოგზავნილი ინფორმაციით. საქმეში, წარმოდგენილია 26.01.2024წ შედგენილი №1261878 აღრიცხვის კვანძის შემოწმება-მიღების აქტი, რომლითაც ასევე დასტურდება შპს „მაკრო-პრიმი“-ს მიერ ელ.ენერგიის დატაცების ფაქტი. საქმეში დევს დადასტურება, რომ შპს „მაკრო-პრიმი“-ს ეცნობა საქმის განხილვის დროისა და ადგილის თაობაზე, სხდომაზე არ გამოცხადდა შპს „მაკრო-პრიმი“-ს წარმომადგენელი. გამოუცხადებლობის საპატიო მიზეზებისა თუ სხდომის გადადების თაობაზე სამართალდამრღვევს არანაირი განცხადებით არ მოუმართავს. ამდენად, კომისია უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი; აღრიცხვის კვანძის შემოწმება-მიღების აქტები; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; აბონენტის ბარათი; ამონაწერი სამეწარმეო რეესტრიდან; საქმის განხილვის დროისა და ადგილის თაობაზე ჩაბარების დადასტურება, მინდობილობა), რომელთა მეშვეობითაც დგინდება შპს „მაკრო-პრიმი“-ს (ს/კ200223953) მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელ.ენერგიის დატაცება. სამართალდარღვევის ოქმი შედგენილია ა.ს.კ 240-ე მუხლის მოთხოვნათა დაცვით. დატულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების სამთვიანი ვადა.

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96¹ მუხლის პირველი ნაწილით; მე-10; 38-ე; 236-ე; 240-ე; 228²-ე მუხლებით; 266-ე მუხლის მე-4 ნაწილით; სემეკის სემეკის 12.08.10წ. #14 და 28.06.2021წ. #19 დადგენილებებით; ს/ს „ენერგო-პრო ჯორჯიას“ 30.06.2022წ RU2022007 წესით, 10.10.2022წ. #OR2022037 ბრძანებით და:

დავადგინე:

6. შპს „მაკრო-პრიმი“ (ს/კ200223953) ცნობილ იქნეს ადმინისტრაციულ სამართალდამრღვევად ა.ს.კ. 96¹ მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15 000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:

5. 

კომისიის თავმჯდომარე
ნინელი ბოჭორიშვილი